

Streit entscheiden: daß wir seinem warhafften Zeugnis Beifall geben; vnd nichts zweiffeln / er gebe vns / wie seine Wort lauten / im heiligen Abendmal / seinen waren Leib vnd Blut / etc. vnd, also ferner in allem Religion Streit mehr / etc.

4.  
Dieser Name  
Christi gibt  
vns auch be-  
stendigen  
Trost.

Johan. 16.

Joh. 16.

Matth. 9.

Matth. 19.

Matth. 5.

Johan. 8.

5.  
Dieser Name  
dient den  
Gottlosen auch  
zur Warnung.  
Malac. 3.

4. Dieser Name Christi sol vns auch zum freystigen be-  
stendigen Trost dienen / in allen Nöten vnd Anfechtungen / ja  
mitten im Tode. Denn ist er ein trewer Zeuge / vnd hat vns in allen  
Nöten Hülf vnd Beystand verheissen; so wird er auch ja sein  
Wort vnd Zeugnis an vns / vnd allen Bleibigen / wahr machen.  
Werden wir derwegen angefochten von der bösen Welt / vnd Chris-  
tus sagt / Johan. 16. v. 17. Seyd getrost ich habe die Welt  
überwunden. Werden wir angefochten vom Fürsten der Welt /  
dem Teuffel; vnd Christus sagt. Johan. 16. v. 11. Daß der Fürste  
dieser Welt gerichtet sey. Werden wir angefochten von vn-  
sern vielen Sünden: Christus aber saget / Matth. 9. Sey getrost  
mein Sohn / dir sind deine Sünde vergeben / Item:  
des Menschen Sohn ist kommen die Sünder zur  
Busse zu ruffen / vnd nicht die Gerechten. Werden wir  
von Tyrannen verfolgt / von Haus vnd Hof verjagt / etc. Christus  
aber spricht Matth. 19. Wer verlest Häuser oder Bruder /  
ic. oder Ecker / vmb meines Namens willen / der wirds  
hundertfeltig nemen / vnd das ewige Leben erer-  
ben / ic. werden wir angefochten von des Todes Schrecken: Chri-  
stus aber spricht: Johan. 8. Warlich warlich ich sage euch /  
wer mein Wort helt / wird den Tod nicht sehen ewi-  
gich / ic. So soll allerselts das Wort Christi vnsern Herzen ein  
Labsal vnd Erquickung seyn: denn er ist ein Trewer Zeuge / vnd  
sein Zeugnis ist die Göttliche Wahrheit. Vnd also haben wir / in allen  
Anfechtungen mehr: wie sie mügen Namen haben vns dieses Na-  
mens Christi zu trösten.

5. Endlich sol vns dieser Name Christi auch zur Warnung  
dienen / insonders den Sichern vnd Gottlosen. Denn wider die-  
selben wil er ein schneller Zeuge seyn. Malac. 3. v. 5. vnd alle seine  
Drewungen an ihnen warmachen / wosern sie sich nicht bekeren:  
denn